

恆

言

錄

恆言錄序

嘉定錢竹汀先生負高世之學爲天下所景慕。其  
日士大夫莫不悼老成之彫謝焉。家君知其遺藁尚  
有未聚者。書以詢之。旣而先生仲子東塾攜數編至。  
其疑年錄等書。率皆手蹟。編錄恐尚未經寫定。惟恆  
言錄首尾完善。家君因以授常生。且誨曰。學者實事  
求是。一物不知。當引爲己恥。常生謹受。卒業因思北  
海鄭君網羅衆家。括囊大典。至其箋詩。願言則嚏。則  
曰。俗人嚏云。人道我注禮。夏后氏以楬豆。則曰。齊人  
謂無髮爲禿。楊蓋楊卽髻而嚏。則今人猶然自服子。

慎通俗之文不傳此道幾於絕響非先生孰克成之  
常生爰偕詒經精舍友人烏程張君鑑各補注一二  
用棐諸家塾以貽同志焉

嘉慶十年夏五月揚州阮常生謹序

恆言錄目錄

卷一

吉語類

人身類

交際類

毀譽類

卷二

常語類

單字類

疊字類

卷三

親屬稱謂類

卷四

仕宦類

選舉類

法禁類

貨財類

卷五

俗儀類

居處器用類

飲食衣飾類

卷六

文翰類

方術類

成語類

俗諺有出類

儀徵阮亨仲嘉校

恆言錄卷一

嘉定錢大昕及之纂

吉語類

吉祥

易繫辭吉事有祥莊子吉祥止止戰國策聖人所  
謂吉祥善事淮南主術訓儼然元默而吉祥受福  
吉利

易林蒙之姤舉家蒙歡吉利無殃曹操小字吉利

常生案吉利見  
易大有爻辭

歡喜

戰國策秦人歡喜趙人畏懼易林坤之同人析薪  
在尅福祿歡喜訟之兌執玉歡喜佩之解變同人  
之姤東家歌舞長樂歡喜家人之屯少齊在門夫  
子歡喜震之无妄函珠爲寶心悅歡喜漸之咸蠱  
夷來服國人歡喜吳之賁公孫上堂大君歡喜中  
孚之隨蜩蟬歡喜艸木嘉茂道德指歸論舉措得  
時天下歡喜史記樂書接歡喜合殷勤漢書蕭望  
之傳窟穴黎庶莫不懽喜王莽傳神祇懽喜後漢  
書陳蕃傳人鬼歡喜

鑑案說文歡喜樂也  
正當以歡喜連讀

賀喜



見急就篇顏氏注云賀喜言有喜而可賀也易林  
賀喜從福日利蕃息

喜歡

晉書祖約傳祖侯遠來水得喜歡

鑑案魏志管輅傳裴注故郡將

劉邠好易而不能精輅相見意甚喜歡又文選應休璉與從弟君苗君胄書閒者北遊喜歡無量常生案古樂府善哉行今日相樂皆當喜歡

快樂

易林乾之履富饒豐衍快樂無已

鑑案國策秦策高誘注快樂也

快活

北叟和士開傳一日快活敵千年七脩類彙引桑

維翰云居宰相如著新襪襪外面好看其中不快活也常生案白居易詩快活不知如我者人閒能有幾多人又誰知將相公侯外別有優游快活人

自在

列子周穆王篇遂能存以自在漢書王嘉傳恣心自在杜子美詩自在嬌鶯恰恰啼

安穩

王符潛夫論行步欲安穩魏伯陽參同契下篇吉人乘負安穩長生晉書顧愷之傳行人安穩布帆無恙舊唐書嚴善思傳事既不經恐非安穩

寧生案晉

書輿服志以五色木牛象五時車豎旗於牛背行則使人輿之牛之義蓋取其負重致遠安而穩也  
三國志董卓傳海內安穩

平安

晉人帖多用平安字通典載徐彥議亦有昨日平

安之語

鑑案漢書地理志千乘郡縣平安又廣陵國縣平安則平安漢時已有此語

安寧

爾雅冬爲安寧

常生案詩既安且寧又史記周本紀成康之際天下安寧

康寧

書洪範五福三曰康寧

常生案易林冠帶垂衣天下康寧

安樂

詩將安將樂鑑案禮記所以交於神明者不可以同於所安樂之義也又漢書地理志

漁陽郡縣安樂常生案國語民生安樂誰知其他

長久

老子天長地久天地所以能長且久者以其不自

生故能長久鑑案禮記內和順而後家可長久也

長遠

書君奭弗永遠念天威孔傳言不長遠念天之威

鑑案晉書明帝紀晉祚復安得長遠此正與偽孔傳同時

榮華

莊子齊物論篇道隱于小成言隱于榮華荀子王

制篇艸木榮華滋實之時

常生案離騷及榮華之未落兮又史記外戚世

家丈夫當時富貴光耀榮華貧賤之時何足累之哉

享福

後漢書郎顗傳高宗以享福

鑑案鶚冠子王鈇篇享其福祿而百事理

具慶

詩莫遠具慶唐摭言寶祿中楊嗣復相公具慶下

繼放兩榜又云進士譙名大相識

主司在具慶次相識

主司在偏侍

小相識

主司有兄弟常生案錢希白南部新書三銓之士具慶之下多避憂

闕除則皆不受對易於他人則具慶乃唐人之常語

慶賀

淮南本經訓無慶賀之利刑罰之威常生案周禮

有福事則  
令慶賀之

福壽

顏氏家訓盜跖莊蹻之福壽孫思邈有福壽論

人身類

性命

易乾象傳各正性命中庸天命之謂性皆言人所  
受之德也後人以人身壽命爲性命史記秦始皇  
本紀元元之民冀得安其性命漢書藝文志以生  
疾而隕性命鮑宣傳可以父子終其性命後漢書

仲長統傳永保性命之期逸民傳幸得保終性命  
將性命之不免柰何續漢書輿服志使天下之民  
物各得安其性命論衡性命可延斯須不老惟人  
性命長短有期三國志劉威碩傳使得全完保育  
性命諸葛亮傳苟全性命于亂世晉書皇甫謐傳  
若擾全道以擾性命身嬰大疾性命難保魯褒傳  
性命長短相祿貴賤南齊書武十七王傳若束手  
自歸可全其性命

常生案大戴禮本命篇命者性之終也又樂記則性命不同矣

性靈

晉書樂志序性靈之表不知所以發于詠歌梁書

徐勉傳以娛休沐用託性靈北齊書杜弼傳可以  
鎔鑄性靈宏獎風教鍾嶸詩品阮籍詠懷之作可  
以陶性靈發幽思杜子美詩陶冶性靈存底物用此文心雕龍性  
靈鎔匠文章奧府南史文學傳序大則憲章典誥  
小則申抒性靈何遜詩還係性靈中

意思

論衡意思不欲求寒溫三國志陸遜傳陸遜意思  
深長士燮傳意思甚密

才具

三國志彭彥傳卿才具秀拔世說許允妻云汝等



雖佳才具不多世語秦始皇漢孝武之儔才具微  
不及耳晉書張華傳鍾會才具有限祖逖傳逖有  
贊世才具高嵩傳阿鄴故有才具北史楊侃傳苟  
有良田何憂晚歲但恨無才具耳

骨氣

晉書阮裕傳骨氣不及逸少

氣力

列子湯問篇取道致遠而氣力有餘

淮南主術訓同戰國

策少焉氣力倦史記呂后紀朱虛侯劉章有氣力  
五宗世家好氣力漢書地理志其俗夸奢尚氣力

高士氣力後漢書伏湛傳素有氣力桓榮傳但自  
苦氣力班超傳超之氣力不能從心王渙傳少好  
俠尚氣力

### 面貌

史記田儋傳欲一見我面貌耳漢書張禹傳又奇  
其面貌詩鄭箋面貌丰丰然豐滿鑑案荀子大略  
使之而勿貌楊倞注而  
貌謂以顏色慰悅之

### 筋骨

孟子勞其筋骨淮南兵略訓人無筋骨之強

常生案國

語夷請無筋無骨又左氏  
傳敢告無絕筋無折骨

血氣

論語血氣未定血氣方剛血氣既衰禮記樂記耳  
目聰明血氣和平中庸凡有血氣者莫不尊親案鑑  
素問五常政大論岐伯曰  
夫經絡以通血氣以從

皮膚

文子道德篇以耳聽者學在皮膚列子天瑞篇皮  
膚爪髮論語膚受之愬馬融注皮膚外語非其內  
實顏氏家訓文章篇文章當以理致爲心腎氣調  
爲筋骨事義爲皮膚常生案素問四氣調神大論  
去寒就溫無泄皮膚使氣亟  
奪雲笈七籤皮  
膚神名通衆仲

神氣

南史蔡興宗傳小兒四歲神氣似可常生案禮記地載神氣神

氣風霆又曰氣志如神鄭注謂聖人也

情態

詩賓之初筵箋淫液者飲酒時情態也

本命

三國志管輅傳吾本命在寅

鑑案大戴禮有本命篇易本命篇蕭吉五

行大義納音數者謂人本命所屬之音也一言得土者本命庚子子屬於庚數之一言便以得之是也三言得火者本命丙寅寅屬於戊從丙數至戊凡三是也五言得水者本命壬戌戌屬於丙從壬數至丙凡五是也七言得金者本命壬申申屬於戊從壬數至戊凡七是也九言得木者本命己巳

已屬於丁從已數至丁凡九是也六十甲子例皆如是

### 骨節

列子黃帝篇骨節與人同而犯害與人異常生案國語吳

伐越陸渚會稽獲骨節專車

### 眼珠子

今人呼目眸子為珠子韓詩章句無珠子曰矇珠

子具而無見曰矇見文選注廣雅目謂之眼珠子謂之

眸子字林矇目有朕無珠子也鑑案廬江小吏詩卻與小姑別淚落連珠

子

### 眼孔

唐書安祿山傳帝為祿山起第京師以中人督役  
戒曰善為部署祿山眼孔大毋令笑我朝野僉載  
張元一嘲武懿宗曰未見桃花面皮謾作杏子眼  
孔

眼匡 俗作眶

釋名睫插也接也插於眼匡而相接也 常生案說文無眶字

惟廣韻眶眼  
眶故云俗

眼力

杜氏通典籍字既細難為眼力 沈約常生案劉禹錫詩減書存眼力

又姚合詩簿  
書銷眼力

額角

釋名角者生於額角宋史刑法志其次稍重則止

刺額角

鑑案論語異考識額角有角額似月形角額卽額角也

頭角

韓退之撰柳子厚墓志斬然見頭角

頭皮

楊朴詩今日捉將官裏去這回斷送老頭皮

頭頸

釋名髦冒也覆冒頭頸也

鑑案玉藻頭頸必中說文頸頭莖也今亦作脰

何休公羊注脰頸也

面皮

南史文苑傳高爽從縣閣下取筆書鼓云徒有八

尺圍腹無一寸腸面皮如許厚受打未詎央

鑑案西京

雜記曹元理計困米數出差一升曰遂不知鼠之殊米不如剝面皮矣長生案庾子山詩向人長曼臉由來薄面皮又靈樞經其氣之津液皆上燠於面而皮又厚其肉堅

鼻頭

南史曹景宗傳耳後生風鼻頭出火黃山谷詩法

從空處起人向鼻頭參

心孔

杜子美詩小兒心孔開兒得山僧及童子



肚皮

五燈會元馬祖問藥山近日見處作麼生曰皮膚  
脫落盡惟有一真實祖曰如是將三條篾束取肚  
皮隨處住山去東坡雜志嘗坦腹問侍者汝輩試  
道此中何物朝雲曰是一肚皮不合時宜坡捧腹  
大笑常生案五燈會元曇秀答  
僧又云自家肚皮自家畫

肚裏

撫言卷頭有眼肚裏沒噉鑑案孟郊詩  
肚裏生荆棘

脊梁

朱氏語類小南和尚少年從師參禪一日偶靠倚

而坐其師見之叱曰得恁地無脊梁骨小南悚然  
自此終身不靠倚坐大听案脊梁即脊呂之轉鑑案指月錄東齋謙謂道川曰汝舊呼狄三今名道川川即三耳能豎起脊梁辦個事其道如川之增若放倒則依舊狄三也  
身材

杜氏通典身材言語之選唐無名氏詩三十六舉  
猶不見況伊如燕這身材五燈會元黃蘗禪師辭  
南泉泉門送提起師笠子曰長老身材沒量大笠  
子大小生

膽氣

杜子美詩將軍膽氣雄常生案周益公集乞求有膽氣謹密之人得奉議郎

向合徒步至平  
江見張浚等

### 腳根

北史尔朱彥伯傳洛中謠曰頭去項腳根齊驅上  
樹不須梯亦作腳跟說文跟足踵也釋名足後曰  
跟尔雅鳧雁醜其踵企郭注云飛卽伸其腳跟企  
直也

### 骨頭

撫言有人貢鄭光業啟當時之不識貴人凡夫肉  
眼今日之俄爲後進窮相骨頭五銖會元南泉禪  
師拈起骰子曰臭骨頭十八鑑案撫言又有莫忘  
生身老骨頭之句

寒毛

晉書夏統傳聞君之談不覺寒毛盡戴白汗四匝

陳師道詩起粟豎寒毛

常生案唐書鄭從譙傳捕反賊誅其首惡皆寒毛惕

伏

愛富

李匡父資暇集今人呼振鼻爲噴涕吐口爲愛富

殊不知噴嚏

當作嚏

噫腑噫音隘藏府氣噫出也案

今吳中尚有愛富氣之語當從李作噫腑

年紀

後漢書光武紀檢覆墾田頃畝及戶口年紀劉隆

傳戶口年紀互有增減王伯厚云年紀出光武紀

老大

古樂府少壯不努力老大徒傷悲鑑案文選長歌行作老大乃傷悲

少年

史記淮陰侯列傳淮陰屠中少年有侮信者常生案史

記張耳陳餘傳范陽少年皆爭殺君

後生

論語後生可畏朱氏語類明道詩云時人不識予心樂將謂偷閑學少年此是後生時氣象眩露無

含蓄

常生案鮑昭詩寄語後生子爲樂當及春

小時

三國志張昭傳寧念小時所聞書否

花甲

趙牧詩手接六十花甲子循環落落如弄珠

見唐詩紀

事范石湖丙午新正書懷詩祝我睽周花甲子謝人深勸玉東西又代門生作立春書門帖子詩臘周花甲子多醉玉東西

長成

晉書衛玠傳顧吾年老不見其長成耳

常生案晉書又荷生

載記洪謂此兒狂悖將殺之雄止之曰兒長成自當修改何至便可如此白居易詩楊家有女初長成又二十方長成

### 保重

夏侯湛抵疑保重嗇神獨善其身

常生案抵疑見晉書

### 勞動

三國志華佗傳人體欲得勞動呂蒙傳又恐勞動

鑑案高士傳善卷曰春耕種形足以勞動

### 平復

漢書韋元成傳令所疾日瘳平復反常嘉氣日興

疾病平復後漢書華佗傳一月之間皆平復

鑑案韓詩

外傳諸扶輿而來者皆平復如故又史記梁孝王世家太后立起坐食氣平復

### 將養

詩不遑將父毛傳將養也淮南原道訓聖人將養

其神和弱其氣南史儒林傳爲政廉平宜加將養

晉書裴楷傳名臣不多當見將養

常生案說苑貴德篇聖王之于

百姓也將之養之呂覽音律篇以將陽氣高誘注將猶養也

### 將息

韓文公與崔羣書將息之道當先理其心

常生案白居易

詩亦知數出妨將息不可端居守寂寥又王建詩千萬求方好將息杏花寒食約同行

### 痛癢



三國志孟光傳光之指摘痛癢晉書范宏之傳於

下官之身有何痛癢

鑑案內則疾痛苛癢劉向別錄鑿山鑽石則地痛蚤蝨衆

多則地癢

疼痛

顏氏家訓養生篇飲食熱冷皆苦疼痛

廣雅疼痛也

病根

後漢書華佗傳君病根深

常生案白居易詩病根牢固去應難

交際類

人事

禮物也

許觀東齋記事云今人以物相遺謂之人事自唐

已有之引退之奏韓宏人事物狀及杜牧謝許受  
江西送撰韋丹碑綵絹等狀云人事綵絹共三百  
匹張湔雲谷雜記亦引此二事又引後漢黃琬傳  
特當權子弟多以人事得舉則知人事之語其來  
已久大昕案後漢書賈逵傳逵母常有疾帝特以  
錢二十萬與之曰賈逵母病此子無人事于外屢  
空則從孤竹之子于首陽山矣韓退之又有謝許  
受王用男人事狀常生案晉書武帝紀泰始四年  
願五條詔書于郡國五日去人  
事則人事非徒傳之口語且入六典矣至唐人人  
事之說尤不一而足此外尚有白居易奏于順裴  
均入朝事宜狀云上  
須進奉下須人事

寒溫

世說文學篇康僧淵往殷深源許殷使坐麤與寒

溫遂及義理又品藻篇王黃門兄弟三人俱詣謝

公子猷子重多說俗事子敬寒溫而已晉書阮瞻

傳忽有一客通名詣瞻寒溫畢

常生案呂氏春秋寒溫勞逸饑飽此

六者非適也此寒溫之始見又漢書京房傳分六十四卦更直日用事以雨風寒溫為候

賞賜

淮南主術訓喜不以賞賜怒不以罪誅

常生案周禮小宗伯

掌衣服車旗宮室之賞賜又史記孝文紀賞賜長老收恤孤獨又平準書所過賞賜用帛百餘萬匹又漢書李廣傳得賞賜輒分其戲下鑑案管子誅殺當其罪賞賜當其功

敬重

漢書五行志敬重功勳張禹傳方鄉經學敬重師  
傳又上敬重之不如禹蘇武傳皆敬重武董仲舒  
傳王敬重焉于定國傳郡中以此大敬重于公元  
帝立以定國任職舊臣敬重之王吉傳國中莫不  
敬重焉王商傳甚敬重商後漢書孔奮傳奮自爲  
府丞已見敬重

多謝

漢書趙廣漢傳爲我多謝問趙君師古曰多厚也  
若今人言千萬問訊矣

王伯厚云多謝出趙廣漢傳常生案陶潛詩多謝結

與用精爽今何如辛延年羽林郎詩多謝金吾子私愛徒區區

### 伏事

陸機詩誰謂伏事淺契關踰三年宋書文五王傳道龍昔伏事誕南齊書桓康傳尹略少伏事太祖南史恩倖傳珍之西州伏事張袞傳竭誠伏事北

史祖琰傳以琰伏事先世

王伯厚云伏事出陸士衡詩

### 招呼

淮南原道訓招之而不能見也呼之而不能聞也詩鹿鳴傳相招呼以成禮也後漢書祭遵傳乃使

招呼鮮卑李忠傳令親屬招呼忠

鑑案說文招呼呼也廣雅釋詁

招呼也

扶同

魏書廣平王匡傳唯黃門侍郎臣孫惠蔚與崇扶同隋書經籍志多與春秋左氏扶同杜牧上李德裕書與扶同者只鄆州隨來中軍二千耳胡三省通鑑注扶同猶今俗言扶合也

通融

隋書律歷志前後通融只合在斗十七度杜氏通典取其賸田通融支給

鑑案何晏景福殿賦李善注融猶通也

護短

嵇康與山巨源絕交書仲尼不假蓋于子夏護其

短也

常生案韓昌黎詩乃知仙人未賢聖護短憑愚邀我敬

主張

莊子孰主張是韓退之送窮文各有主張私立名  
字周墀詩恆農太守主張來

居閒

今俗交易立券必有居閒謂兩下說合成事者也  
案史記游俠列傳維陽人有相仇者邑中賢豪居  
閒者以十數魏其武安侯列傳賓客居閒居閒二  
字蓋出於此

提拔

晉書范宏之傳感其提拔之恩

常生案南史衡陽公諡傳弟誄謂肅

季敞曰君不憶相提拔時邪庚子山集天澤沛然謬垂提拔

愛惜

列子黃帝篇都無所愛惜都無所畏忌

鑑案宋書謝方明傳

性尤愛惜未嘗有所是非承代前人不易其政又朱浮爲幽州牧與彭寵書臨人親職愛惜倉庫王褒四子講德論龐眉耆耆之老咸愛惜朝夕願濟須臾觀大化之淳流又毛詩蒸民篇鄭箋呂覽長利篇高注皆云愛惜也

告訴

史記龜策傳王有德義故來告訴

常生案漢書司馬遷傳身居困



園之中誰可告訴者後漢書張奐傳  
孤傲之人無所告訴說文訴告也

致意

公羊傳未侵曹則其言侵曹何致其意也漢書朱  
博傳遣吏存問致意阮元瑜代曹公與孫權書還  
書致意佞幸傳使人致意深自結納晉書簡文帝  
紀致意尊公孫綽傳致意興公

王伯厚云致意  
出晉簡文帝紀

想念

後漢書逸民傳想念恢兮爰集茲

消息

消息本出易剝象傳  
後人借作音問用

後漢書獨行傳遠至京師覘候消息三國志三少

帝紀出閨傳消息管寧傳常使經營消息張遼傳  
虎賁問消息孫綝傳使傳國消息胡綜傳或謂此  
中有它消息朱然傳遣使表疾病消息費詩傳承  
知消息劉巴傳陳羣與諸葛亮書問巴消息張嶷  
傳遣所親二人詐降疑實取消息魏略王朗與許  
文休書文休足下消息平安王伯厚云消息出魏  
少帝紀鑑案枚乘七  
發消息陽陰又史  
記秣書起消息

候

周禮候人注候候迎賓客之來者曲禮賀取妻者  
曰某子使某聞子有客使某羞注羞進也言進於

客古人謂候爲進孔疏古時謂迎客爲進漢時謂  
迎客爲候漢書董仲舒傳主父偃候仲舒張禹傳  
上臨候禹王莽傳莽疾休候之後漢書楊震傳寶  
乃自往候震李法傳故人儒生時有候之者翟璜  
傳乃往候懿井丹傳未嘗修刺候人邊讓傳府掾  
孔融王朗並修刺候焉趙壹傳道經恆農過候太  
守皇甫規龐公傳延請不能屈乃就候之王良傳  
鮑恢以事到東海過候其家王符潛夫論交際篇  
不候謂之倨慢數來謂之求食愚按候有二義迎  
進謂之候進謁亦謂之候

鑑案呂氏春秋貴因篇  
武王使人候殷壘塞篇

宋王使人候秦寇之所至高注皆云候視也又管子侈靡篇候人不可重也房注候人謂謁候之來入國者亦是二義

### 毀譽類

### 賢惠

論衡治期篇富饒者命厚所致非賢惠所獲也

### 謙恭

易繫辭謙也者致恭以存其位者也漢書于定國

傳爲人謙恭

鑑案魯語滔而入於恭韋昭注恭爲謙

### 謙虛

孝經緯地順受澤謙虛開張

見禮記注

詩角弓箋無有

謙虛以禮相卑下後漢書皇后紀太后誠存謙虛  
胡廣傳謙虛溫雅三國志朱據傳謙虛接士

敏捷

漢書酷吏傳敏捷於事三國志張裔傳幹理敏捷

鑑案周書諡法解敏疾也說文古訓皆同

端正

史記儒林傳年十一已上儀狀端正者補博士弟

子漢書霍光傳其資性端正如此劉公幹贈從弟

詩冰霜正慘悽終歲常端正

鑑案鵬冠子物之始也傾傾至其成形端

端正正曲禮鄭注端正也左傳昭元年杜預禮衣端正無殺故曰端

蘊藉

史記酷吏傳治敢行少蘊藉漢書作溫藉溫與蘊同又漢書薛廣德傳溫雅有醢藉匡張孔馬傳贊其醢藉可也常生案毛詩飲酒溫克鄭箋能溫藉自持陸德明釋文溫於運反字通作醢醢北史魏道武七王傳子善博通在何妥下然風流醢藉俯仰可觀崔瞻傳謂容止醢藉者為潦倒清高

論衡定賢篇清高之行顯於衰亂之世後漢書逸民傳伯鸞清高晉書胡威傳大人清高不審於何得此絹鑑案杜詩宗臣遺像肅清高

能幹

後漢書循吏傳能幹絕羣

子細

北史源懷傳爲政貴當舉綱何必須太子細也

鑑案

舊唐書僖宗紀所在長史子細曉諭又杜甫詩醉把茱萸子細看

明白

老子明白四達莊子天地篇明白入素史記秦始皇本紀臣請具刻詔書刻石因明白矣漢書楊敞傳左驗明白東方朔傳好學樂道之效明白甚矣

氣節

漢書汲黯傳好游俠任氣節游俠傳諸爲氣節者

皆歸慕之

禮法

荀子修身篇學也者禮法也

常生案荀子勸學篇又曰禮者法之大分

周禮小宰鄭注

灋謂其禮灋也

穩當

杜牧詩爲報眼波須穩當

精妙

顏氏家訓省事篇若省其異端當精妙也

鑑案江文通別

賦雖淵雲之墨妙嚴樂之筆精顏氏蓋本此又范望太元集解精者氣之妙也

好漢



舊唐書狄仁傑傳則天嘗問狄仁傑曰朕要一好

漢任使有乎

鑑案舊唐書酷吏傳元宗謂吉溫爲不長漢以男子爲漢猶漢子至宋蘇軾乃以入詩曰人間

一好漢誰似張長史

獨步

後漢書戴良傳獨步天下誰與爲偶

驕傲

離騷保厥美以驕傲兮漢書鄒陽傳去驕傲之心

後漢書崔駰傳傳曰生而富者驕生而貴者傲生

富貴而能不驕傲者未之有也

鑑案三國志宗預傳車騎將軍鄧芝

性驕傲

自大

刻薄

史記商君列傳商君其天資刻薄人也

鑑案通雅  
刻薄卽刻

薄晉書劉陶傳  
寬銀薄之禁

誇張

列子天瑞篇誇張於世

奔競

干寶晉紀論悠悠風塵皆奔競之士晉諸公贊人  
人望品求者奔競

嬾惰

後漢書王丹傳其愷嫻者恥不致丹注嫻與嬾同

陶淵明詩阿舒已二八嬾惰固無匹

麤疎

三國志魯肅傳肅年少麤疎未可用常生案樂府

語三葛我薄汝麤疎晉書謝鯨傳君麤疎邪北史

虞綽傳諸葛穎曰虞綽麤疎人也尚訪呂氏春秋

麤笨

宋書王微傳小兒時尤麤笨無好

縮朒

漢書五行志王侯縮朒不任事常生案顏師古集

不任事之貌也鑑案說文朔而月見東方謂之

縮朒又一切經音義引通俗文皺不申曰縮朒

癡狂

越絕書計倪內經人固不同惠種生聖癡種生狂  
惠與慧同今人亦有癡種之語淮南俶真訓或不免於癡狂論衡  
刺孟篇此不癡狂則遨戲也率性篇有癡狂之疾  
歌啼於路

細碎 疊韻字

孔安國書傳叢脞細碎無大略詩正月疏引孫毓  
云細碎小事

畜生

桓譚新論夫畜生賤也然有尤善者皆見記識後

漢書劉寬傳客不堪之罵曰畜產畜產卽畜生也  
晉書庾妃傳畜生何足付大事亦詈罵之辭後漢  
書西南夷傳俗好巫鬼禁忌寡畜生宋書吐谷渾  
傳馬是畜生食草飲水北史高車傳此是畜生母  
乃辱父母皆指六畜而言

儻子

七修類稿蘇杭呼癡人爲儻

反字平聲

子又或書𡗗𡗗

音呆

二字攷玉篇衆書無儻𡗗二字獨駢字說文云

馬行佗而韻會云病也癡也凡癡駢字皆作駢獨  
海篇載𡗗𡗗二字亦曰義同駢字知𡗗𡗗皆俗字

也嘗聞小兒云阿儻雨落走進屋裏來又讀程泰  
之演繇露鄭獬字毅夫守江陵作楚樂亭記有頌  
云我是蘇州監本缺與爺祝壽獻棺材近來彷彿  
知人事雨落還歸屋裏來又知亦有來歷大昕案  
廣韻儻剗失志貌儻丁來切剗五來切又云缺癡  
象犬小時未有分別缺亦丁來切此又在海篇之  
前矣范石湖有賣癡缺詩常生案白獬髓范石湖  
初官到任其同官問爲  
吳郡人卽云缺子石湖因有我本  
蘇州監本缺之句范詩卽用鄭句

無賴

史記高祖本紀始大人常以臣無賴晉灼曰江

之閒謂小兒多詐狡獪為無賴

鑑案方言央亡墜  
屎姑獪也江湘之

閒或謂  
之無賴

下流

論語是以君子惡居下流天下之惡皆歸焉漢書

楊惲傳下流之人眾毀所歸

鑑案陽貨弟十七惡  
居下而訕上者漢石

經及眾經音義兩引皆無流字故引此尉繚  
子武議篇賞及牛童馬圉者是賞下流也

粉飾

史記滑稽傳共粉飾之如嫁女牀席

常生案韓詩  
外傳善粉飾

人者故  
人樂之

浮華

後漢書章帝紀其以巖穴爲先勿取浮華魯丕傳  
浮華無用之言不陳於前孔融傳破浮華交會之  
徒論衡自紀篇浮華虛僞之語莫不證定三國志  
曹爽傳明帝以其浮華皆抑黜之王昶傳浮華則  
有虛僞之畧劉馥傳浮華交游不禁自息矣諸葛  
誕傳修浮華合虛譽鄧艾傳浮華之原塞華嚴傳  
棄功于浮華之巧陸凱傳浮華者登朋黨者進魏  
略鄧颺與李勝等爲浮華友

曹爽傳注

沽名

淮南倣眞訓緣飾詩書以買名譽於天下後漢書



李雲傳論絞許摩上以銜沽成名逸民傳論彼雖  
經經有類沽名者三國志注引劉廙別傳有攪世  
沽名之語

釣譽

漢書公孫宏傳與內富厚而外爲詭服以釣虛譽  
者殊科論衡自紀篇不辭爵以弔名弔與釣同後  
漢書逸民傳釣采華名庶幾三公之位

弄權

漢書食貨志制度失中姦軌弄權後漢書陽球傳  
姦虐弄權論衡程材篇處右則弄權幸上則賣將

三國志杜瓊傳宦人黃皓弄權于內姜維傳宦臣黃皓等弄權于內

招權

史記季布傳數招權顧金錢漢書刑法志將招權而爲亂首矣

關節

能改齋漫錄世以下之所以通款曲於上者曰關節然唐已有此語段文昌言於文宗曰今歲禮部殊不公所取進士皆子弟無藝以關節得之又唐摭言云造請權要謂之關節案漢書佞幸傳高祖

有籍孺孝惠時有閔孺與上臥起公卿皆因關說  
乃知關節蓋本於關說也後漢書方術傳古之仙  
者爲導引之術熊經鴟顧引挽要體動諸關節關  
節猶言骨節也此又一義常生案唐書穆宗詔扇  
爲朋黨謂之關節下接  
主司案素問刺關節中液出不得屈伸鑑案撫言  
又裴思謙以仇士良關節謁禮部侍郎高錯求狀  
頭曰非狀元請侍郎不放是也又杜陽雜編元載  
嬖其妾薛瑤瑛瑤瑛母口趙娟娟與中書主吏卓  
倩等廣購賄賂號爲關節

### 交關

後漢書光武紀得吏人與郎交關謗毀者數千章  
孔融傳漢律與罪人交關三日已上皆應知情黨

綱傳或有未嘗交關三國志諸葛恪傳以交關魯王事曹爽傳專共交關看察至尊夏侯元傳交關閹豎晉書裴秀傳交關人事

常生案太元升降相關范望注關交也

### 關涉

北史僭偽傳其餘不相關涉皆所不取而史始興王叔陵傳叔陵居東府事務多關涉省閤鑑案沈秀行狀精進勤勞觸事關涉史記梁孝王世家有所關說索隱曰是有所關涉之說于帝也

### 干涉

後漢書東夷傳不得妄相干涉干涉卽關涉聲相近

關說

史記佞幸列傳公卿皆因關說漢書文三王傳有

所關於帝

常生案史記梁孝王世家大臣及袁盎等有所關說

屬託

晏子春秋前臣之治東阿也屬託不行漢書外戚

傳屬託王及兄弟尹翁歸傳欲屬託邑子二人蓋

寬饒傳上無許史之屬下無金張之託白虎通生

不屬死不託後漢書楊震傳外交屬託屬託州郡

翟酺傳交道屬託

鑑案公羊桓十六年傳何休注屬託也

指摘

與譏同

列子黃帝篇指擿無疥痒

賣弄

後漢書朱浮傳坐賣弄國恩楊震傳賣弄威福

不中用

史記秦始皇本紀吾前收天下書不中用者盡去

之外戚世家武帝擇宮人不中用者斥出歸之伯王

厚云不中用出史記外戚世家漢書王尊傳其不中用趣自避退

禮記王制注伐之非時不中用殺之非時不中用

詩下泉箋浸之則將溼腐不中用也齊民要術牛

雞肉不中用鮎鯉不中用木耳菹乾卽不中用

膠法具脂肋鹽熟之皮則不中用

鑑案周禮犀人凡犀者斂其皮

角筋骨注其無皮角及筋骨不中用亦稅之

恆言錄卷一



恆言錄卷二

嘉定錢大昕及之墓

常語類

風景

晉書羊祜傳祜樂山水每風景必造峴山置酒言

詠終日不倦王導傳風景不殊舉目有江山之異

常生案晉書劉毅傳能令義士宗其風景鑑案文

心雕龍窺情風景之上齊書曹虎傳每好風景輒

時氣

漢書鮑宣傳時氣疾疫

常生案丙吉傳恐牛近行用暑故喘此時氣失節後

漢書明帝紀中元二年  
詔務順時氣使無煩擾

# 風聲

書樹之風聲後漢書蔡邕傳察其風聲將為國患

南史梁宗室傳風聲漸露鑑案左傳是以竝建聖哲樹之風聲在古文尚

書之前又呂氏春秋音初篇聞其聲而知風又孝

經疏引韋昭說大人風聲故謂之風文選祭顏光

祿文注引廣雅風聲也史記司馬相如傳述聽者

風聲漢書趙辛傳贊其風聲氣俗自古而然安息

國傳土地風聲物類所

有民俗與烏弋屬賓同

# 起居

禮記儒行雖危起居竟信其志注起居猶舉事動

作鑑案素問上古天真論起居有常注起居者動止之綱紀

功夫

魏志少帝紀徒棄功夫王肅傳惟泰極已前功夫

尚大

王伯厚云功夫出王肅傳閻百詩以爲王肅傳無出少帝紀閻偶未檢耳抱朴子

內篇或博弈以棄功夫

工夫

三國志衛覬傳糜費工夫

常生案晉書范甯傳奪人居宅工夫萬計

道貌

莊子德充符篇道與之貌人與之形

威風

後漢書馮衍傳威風遠暢左雄傳謂殺害不辜爲

威風王渙傳威風猛于渙而文理不及之三國志  
杜恕傳威風著稱晉書傳威傳威風日伸阮孚傳  
威風赫然王導傳兄威風已振鑑案後漢書隗囂傳威風獨能行其  
邦內殷芸小說李膺為侍御史青州凡六郡惟  
陳仲舉為樂安視事餘皆移病去其威風如此  
名教

晉書阮瞻傳聖人貴名教老莊明白然樂廣傳名  
教內自有樂地

公道

列子國氏之盜公道也故亡殃若之盜私心也故  
得罪荀子公道達而私門塞矣君道篇不恤公道通

義

臣道篇

淮南主術訓公道通而私道塞人材釋而

公道行修務訓私志不得入公道漢書蕭望之傳

庶事理公道立三國志諸葛亮傳開誠心布公道

常生案文子上義篇人欲釋而公道行後漢書楊震傳論先公道而後身名傅子通志篇有公心必有公道有公道必有公制莊子則陽篇道者謂之公

格言

論語比考讖格言成法亦可以次序也三國志崔

季珪傳此周孔之格言潘岳閒居賦奉周任之格

言夏侯湛昆弟誥以聽我之格言抱朴子外篇此

皆聖賢之格言九疇之格言格言高文高人以格

言彈而可之常生案家語五儀篇口不吐訓格之言

名利

莊子盜跖篇觀之名計之利而義真是也若棄名利反之於心則夫士之爲行不可一日不爲乎子正爲名我正爲利名利之實不順於理不監於道戰國策爭名者于朝爭利者于市淮南俶眞訓錯擇名利

滋味

月令薄滋味鑑案說文味滋味也未味也六月滋味也

勢利

淮南詮言訓知足者不可以勢利誘也修務訓段

干木不趨勢利

鑑案漢書張耳陳餘傳贊  
勢利之交古人羞之

本分

荀子非相篇見端不如見本分

王伯厚云本  
分見荀子

正身

杜氏通典入試非正身十有三四赴官非正身十

有二三

事情

史記韓非傳則見無心而遠事情孟子傳則見以

爲迂遠而闊於事情

鑑案漢書尹翁歸傳  
案事發姦窮竟事情

體統

左思三都賦序攝其體統歸諸詁訓焉

鑑案周禮春官序官

鄭注統之心名為體故曰體統

說話

石林燕語廳上不說話而廡下說話

鑑案陸游詞山林定去也

却是恐說著少年時話劉改之詩賣術不須多要銀逢人只可少說話

儻來

今人以不期而至者曰儻來莊子軒冕在身非性命也物之儻來寄也文心雕龍博塞之文借巧儻來晉書王坦之傳天下儻來之運卿何所嫌陳書



江總傳軒冕儻來之物柳玘家訓求名如儻來

案

梁書簡文帝紀軒冕之華儻來之一物

的便

蘇東坡荅李琮書罕遇的便

中意

漢書江充傳所言中意杜周傳奏事中意酷吏傳  
議有不中意師古曰不當天子意也

得意

公羊傳得意致會不得意致伐史記秦始皇本紀  
莫不得意呂不韋列傳尻處困不得意李斯傳治

馳道與游觀以見主之得意

常生案史記貨殖傳范蠡既雪會稽之恥

乃喟然而歎曰計然之策越用其五而得意既已

施之國吾欲用之家又蘇秦傳說滑王高宮室大

苑囿以明得意鑑案又史記相如傳有蜀人楊得

意又司馬法天子得意則愷歌又詩錫我百朋鄭

箋得祿多

言得意也

情願

晉書劉頌傳好惡未改情願未移杜氏通典情願

穩便情願還俗舊唐書選舉志其今秋舉人中有

情願舊業舉試者聽

常生案漢書元帝詔骨肉相附人情之願也顏延之庭誥

施其情願  
庀其衣食

介意

列子黃帝篇雖傷破於前不用介意

常生案後漢書度尚傳何

足介意三國志蜀先主傳袁公路家中枯骨何足介意

來意

後漢書公沙穆傳來意厚矣

開恩

梁書高祖紀可開恩半歲悉聽還本周書晉蕩公護傳矜老開恩

開口

史記信陵君列傳公子誠一開口

鑑案韓詩外傳仁以爲質義以

爲理開口無不可爲人法式者莊子盜跖篇人除病疲死喪憂患其中開口而笑者一月之中不過

四五  
而已矣

留神

漢書薛宣傳唯陛下留神考察

常生案後漢書郎顏傳丁寧再三留

神于此

對面

易王弼注凡物對面而不相通否之道也顏氏家訓風操篇乃有對面以相戲者

隔壁

宋書范蔚宗傳果得隔壁遙望南史劉璉傳兄璉夜隔壁呼璉璉不荅樂頤之傳與母隔壁忍病不

言朱氏中庸或問程子謂侯生之言但可隔壁聽  
應急

三國志鍾繇傳得所送馬甚應其急

耐煩

嵇康與山巨源書心不耐煩宋書庾炳之爲人彊  
急而不耐煩趙氏賓退錄陶氏輟耕錄俱引宋書  
庾仲文傳然嵇叔夜魏人已有此語

不好

史記滑稽列傳是女子不好煩大巫嫗爲入報河  
伯得更求好女

虛心

莊子漁父篇敢不虛心

鑑案人間世又云虛者心齋也

真箇

韓退之詩老翁真箇似童兒

常生按趙嘏詩謫仙真箇是仙才

手藝

柳子厚梓人傳彼將捨其手藝

打話

三朝北盟會編金人至城下呼請官員打話

閑話

與閒同

衛準詩莫言閑話是閑話往往事從閑話來

見唐詩

事 唐王仁裕有玉堂閒話三卷宋有耿煥野人閒話五卷

著忙

陳後山詩勝日著忙端取怪任淵注著忙蓋亦俗語僧寶傳楊岐會禪師問僧口一喝兩喝後作麼生曰看這老和尚著忙

登時

後漢書方術傳侯劭三人登時仆地管輅別傳水火之難登時之驗吳錄登時出其母孫策傳注抱朴子內篇中惡急疾但吞三九之炁亦登時差蛇若中

人以少許雄黃末內瘡中亦登時愈也又外篇後  
有以答之亦不登時也任昉奏彈劉整文荀奴登  
時欲提取北史祖珽傳登時走散

少頃

荀子不爲少頃輟焉可以少頃得姦民之譽行其  
少頃之怒

見在

史記齊悼惠王世家於今見在漢書張湯傳時放  
見在外戚傳兒見在未死楚元王傳或言父見在  
論衡見在之水相差無幾又尚書滅絕於秦其見



在者二十九篇周禮夏官棄人注弓弩矢箠棄亡

者除之計今見在者

王伯厚云見在出棄人注常生案周禮御史凡數從政注

云其見在空缺者

面前

三國志秦宓傳樂面前之飾

目下

三國志杜恕傳給事目下王基傳畏目下之戮程

昱傳公於目下肆其奸慝楊洪傳隨從目下晉書

曹志傳目下將見責耶

眼下

白樂天詩眼下來飢寒

底下

三國志夏侯太初傳此爲親民之吏專得底下曹  
爽傳注底下之書

眼見

宋書庾炳之傳往往眼見北史楊椿傳汝等眼見  
非爲虛假顏氏家訓耳聞眼見其事已多杜子美  
詩眼見客愁愁不醒

去向

北史突厥傳臣當時無處去向上看只見天下看

只見地

四遠

蜀志秦宓傳仁義直道流名四遠邦有斯人以耀

四遠

鑑案春秋僖公十六年隕石于宋五注見星之隕而墜于四遠又後漢書張酺傳不可以

示四

遠

上頭

古樂府東方千餘騎夫婿居上頭李太白詩眼前

有景道不得崔顥題詩在上頭

常生案詩在前上處箋在前上處者

在前列上頭也

勿邊

戴叔倫詩杏樹旁邊醉客來野客鼓書旁邊二字

見徐陵雜曲

常生案徐陵雜曲旁邊得寵誰相如

一頓

世說任誕篇襄陽羅友伺人祠欲乞食云聞君祠

欲乞一頓食耳南史徐湛之傳今日有一頓飽食

欲殘害我兒子杜子美詩頓頓食黃魚舊唐書食

貨志宐付所司決痛杖一頓處死

常生案水經注爾正曰山一成

謂之頓邱釋名謂一頓而成邱無高下小大之殺也

一把

韓詩外傳鴻鵠一舉千里所恃者六翮耳背上之

毛腹下之囊益一把飛不爲加高損一把飛不爲

加下新序文  
畧同論衡使在地之火附一把炬人從旁

射之

一個

今人書一個字作個漢人已用之鄭康成儀禮注  
个猶枚也今俗或名枚曰箇音相近又云今俗言  
物數有若干箇者陸氏釋文箇古賀反

一塊

漢書王褒傳蹶如歷塊師古曰如經歷一塊言其  
速疾之甚吳志魯肅傳注引吳書云豈得徒勞無

一塊壤鑑案易緯乾鑿度大天氏云一塊之物自地

一槩

楚詞九章同糅玉字今一槩而相量洪興祖云槩

平斗斛木今吳音讀入聲淮南秦族訓方指所言而取一

槩焉爾常生案詩衆穉且狂毛傳是乃衆幼穉且狂進取一槩之義又潛夫論冀其幸戮以

解畜憤而反一槩悉衆赦釋

一火

南史孝義傳十人同火通典凡立軍五人爲列列有頭二列爲火立火子有死於行陣者同火收其屍舊唐書僖宗紀若諸軍全捕得一火草賊數至

三百人以上者超授將軍木蘭詩出門語火伴火  
伴皆驚惶

一般

劉虛白詩二十年前此夜中一般燈燭一般風

谷殘月如新月詩云初終卻一般

常生案隋唐嘉話知無張底乃

我輩一般人唐詩用一般甚多如司空曙門前  
桃杏一般花李咸用桂花高下一般香皆是

手下

三國志甘寧傳手下有數百兵料賜手下百餘人  
食朱桓傳時桓手下及所部兵在者五千人朱異  
傳乃身率其手下二千人陸遜傳以手下名兵討

治深險江表傳手下已有大衆

吳志呂範傳注

先君手下

兵數千餘人盡在公路許

太史慈傳注

卿手下兵宐將

多少

全

乃選手下健兒百餘人

甘寧傳注

手下兵多

吳

續傳

北史甄琛傳手下倉頭常令執燭

日閒

夜閒

日裏

朱子語錄氣只是這箇氣日裏也生夜閒也生只

是日間生底爲物欲楷亡隨手又耗散了夜閒生

底則聚得在那裏不會耗散

常生案唐張說詩花從日裏生又盧綸詩

日裏揚帆聞戍鼓

地皮



韓退之詩榆莢車前蓋地皮

鄉鄰

孟子鄉鄰有闕者

老小

後漢書公孫瓚傳顧戀其老小魏志三少帝紀過  
捶老小

單字類

扛

史記項羽本紀力能扛鼎後漢書方術傳令十人  
扛之猶不舉說文扛橫關對舉也匡謬正俗云或

問吳楚謂對舉物爲剛有舊語否荅曰扛舉也音江史記力能扛鼎西京賦烏獲扛鼎是也俗譌扛爲剛乃有造捌字者固爲穿鑿

喚

世說桓子野每聞清歌輒喚奈何抱朴子外篇喚求朋類宋書廬陵王義真傳緣道叫喚南史始興王濬傳臺內叫喚宮門皆閉魏書后妃傳乃喚彭城北海二王隋書譙國夫人傳鑄兵聚衆而後喚君

賠

此字不見玉篇類篇等書古人多用備字或作陪  
明永樂實錄追陪字皆不从貝旁唐律諸應輸備  
贖沒入之物及欠負應徵違限不送者一日笞十  
疏云備謂亡失官私器物各備償常生案升菴外  
集昔高歡立法  
盜私物十備五盜官物十備三後周詔侵盜倉廩  
雖經赦免徵備如法備償補也音裴今作陪音義  
同而賠字俗  
從備爲古

拷

古書考掠字皆不從手旁唯北史閒有之尉古真  
傳染于疑古眞泄其謀乃執拷之段孝言傳夜過  
其客宋孝王家呼坊人防援不時赴遂拷殺之又

與諸淫婦密游其夫覺又拷掠而殞李惠傳此羊皮可拷知主乎

央

曹唐小游仙詩無央公子停鸞轡笑泥嬌妃索玉鞭愚按央者邀之轉也

認

列子天瑞篇認而有之皆惑也周禮司市注三日而無識認者舉之識認亦漢人語後漢書卓茂傳嘗出行有人認其馬劉寬傳有人失牛者乃就寬車中認之梁冀傳認奮母爲其守藏婢又冀因欲

認猛爲其女承宮傳不泰將熟人有認之者三國志鍾離牧傳縣民識認之按認古文作仞淮南人間訓非其事者勿仞也非其名者勿就也夫就人之名者廢仞人之事者敗漢書儒林傳賓死莫能持其說喜因不肖仞列子湯問篇百認之淵卽百仞也

替

代也

宋書廬陵王義真傳高祖遣將軍朱齡石替義真鎮關中北史陳元康傳孫季醉死神武命求好替

訣

列子說符篇術人有善數者臨死以訣喻其子

牢

廣韻堅也固也史記外戚世家欲連固根本牢甚  
漢書師丹傳曾不能牢讓爵位韓退之平淮西碑  
并爲一談牢不可破白樂天詩大都好物不堅牢  
擡

通俗文振舉謂之擡

一切經音義引

今市物故昂其價謂

之擡宋史食貨志以鈔折兌糧草有虛擡過糴之  
患

抗

說文扠動也今俗語搖兀字當用此東坡詩千搖萬兀到樊口

竿

說文竿迫也吳人謂壓酒具爲竿牀讀如詐僞之詐案後漢書耿恭傳竿馬糞汁而飲之注竿謂壓竿也廣韻竿酒器也側駕切又別出醪字訓壓酒具集韻又作醪或作榨皆竿字之譌常生案嵇康猶洗酒之囊漉雖竿具不同而酒味不變也

糙

廣韻糙米穀雜也與𪎭同杜氏通典其折納糙米

者稻三石折納糙米一石舊唐書食貨志令東都  
出遠年糙米及粟就市給糶今人以米未舂者爲  
糙米

硬

古作鞭廣雅鞭擊也玉篇鞭堅也張仲景傷寒論  
亦用鞭字杜子美詩書貴瘦硬方通神通典山原  
川澤土有硬軟至于耕墾用力不同

捺

白樂天詩壓捺潮頭敵子胥

了



廣雅了訖也

玉篇同

瞻

玉篇瞻一目合也釋名瞻迄也膚幕迄迫也

鑑案世說

盲人騎  
瞎馬

賽

賽本祭名今世鄉社賽神以豐儉較勝負因以賽  
爲爭勝之義賽與勝聲亦相近也宋末張惠稱賽  
張飛劉整稱賽存孝則已見於正史矣

些

舊唐書楊嗣復傳近日事亦漸好未免些不公王

冷然與高昌字書幸有餘力何惜些些

鑑案羅虬比紅兒詩

應有紅兒些些子親些即斯漢左雄傳鄉官吏部職斯祿渾

匾

一切經音義今俗呼廣薄為匾

瞽

說文瞽瞍也敷沼切今人讀如瞽

鑑案集韻云與瞽同坤蒼云一

目病也

瞽

咸細切

今人謂近視曰瞽說文瞽瞍也

常生案嵇康琴賦明瞽瞍惠顯延之

詩聆龍

瞽九淵

站

廣韻站俗言獨立

備

廣韻備止也都郎切又丁宕切今人多讀上聲

俏

今人謂婦人美好曰俏案方言鈔好也青徐海岱

之間曰鈔或謂之嫖郭璞注今通呼小姣潔喜好

者爲嫖鈔鈔七小切卽俗所云俏也

常生案宋景文筆記曰齊

魏人以有儀矩可喜者謂之痛峭峭俏通

鰲

廣云鰥鰥面白音力小切今人以面白而帶病容云白鰥鰥

矮

陸德明周禮釋文桂林之間謂人短為鵠矮矮音苦買反鑑案說文矮短人也韻會小補曰通作奇後漢書童謠見一奇人言欲上天古文作瘠

𡗗

廣雅𡗗短也通俗文侏儒曰𡗗一切經音義

𡗗

今人謂貓犬吐曰𡗗廣韻𡗗七鳩切犬吐也

敲

左氏傳君將敲之杜預注敲嘔吐也釋文敲許角反又許各反鑑案說文敲歐兒也徐鍇傳心惡未至於歐因敲出之也

騰

策韻騰他登切吳人謂過飽曰騰今轉爲都騰切

寤

與忽同

吳中方言睡一覺謂之一忽林酒仙詩長伸兩脚眠一忽起來天地還依舊是也按說文寤臥驚也廣韻寤睡一覺也寤與忽同音當用寤字爲正

喫

喫酒見無量清淨平等覺經常生案杜詩樓頭喫酒樓下醉又對酒不

鍍

李紳詩假金方用真金鍍若是真金不鍍金

釵

廣韻釵侯肝切釵金銀令相著集韻固金鐵藥亦

作鐸

砢

讀如作吳人呼伐竹爲砢竹

陸放翁詩引泉澆藥圃砢竹樹雞棲邇來久兩牆

垣壞砢竹東岡自築籬

鋤

北人謂莖  
艸爲鋤草

廣韻鋤查鎔切秦人云切草

駮

廣韻去畜勢也出字林按古書馬曰駮牛曰牯羊

曰羯亦曰獭豕曰獭皆去勢之名

貳

徒念  
切

廣韻貳支也出通俗文

乖

本乖戾字今人却以當巧詐之義朱子語錄張子  
房閑時不做聲氣莫教它說一話更不可當少年

也任俠殺人後來因黃石公教得來較細只是都  
使人不疑它此其所以垂也

巳

客座贅語巳象形字蛇也巳水曲折三迴象之今  
人之盱衡望遠曰巳不足而營之曰巳日晒肉曰  
巳凡物之乾而腊者皆曰巳予憶四明續志載吳  
潛水調歌頭詞云巳得西風起吾亦問前程又滿  
江紅詞問我年華半並七異鄉時景春巳二則宋  
人巳有此語

巳



論衡洽期篇人之瘟病而死也先有凶色見於面  
部

等

世俗謂待爲等廣韻等多改切蓋古音也路德延  
孩兒詩等鵲潛籬畔聽蛩伏砌邊

疊字類

分明

漢書刑法志自典文者不能分明賈誼傳等級分  
明董仲舒傳辭不別白指不分明薛宣傳得爲君  
分明之

方便

晉書石季龍載記軍中有勇幹策略與已侔者輒方便害之南史褚裕之傳恭帝每生男輒令方便殺焉宋書晉平王休祐傳上慮休祐將來難制欲方便除之南齊書武十七王傳既以降勅旨政應方便荅塞王思遠傳衣服垢穢方便不前晉樂府動搖郎玉手因風託方便北史孟業傳諸人欲相賄瞻止患無方便耳

穩便

舊唐書食貨志仍各逐穩便收貯

因緣

士相見禮注無由達言久無因緣以自達也某子  
今所因緣之姓名也史記田叔傳未有因緣漢書  
禮樂志經紀可因緣而存著也刑法志姦吏因緣  
爲市金日磾傳欽因緣鄭崇傳尚有因緣王莽傳  
因緣爲利後漢書皇甫規傳因緣嬖倖劉陶傳或  
欲因緣行詐論衡宣漢篇三代之起皆有因緣庸  
主因緣以建德政三國志曹爽傳因緣求欲步騭  
傳小人因緣銜命孫綝傳因緣肺腑胡綜傳思託  
大命魏無因緣晉書孝友傳人亦有言有因有緣

官無中人不如歸田

通行

鄭注周禮玉府云尊之則曰獻通行曰饋漢書王吉傳世世通行

緣由

周書晉蕩公護傳可不記此事緣由也

來由

南齊書孝義傳張緒陸澄是其鄉舊應其來由白居易詩先遣和風報消息續教啼鳥說來由又天高無處問來由李咸用詩鶯有來由重入谷柳無

情緒強依人

底裏

揚雄荅劉歆書有底裏字後漢書竇融傳自以底裏上露

完全

荀子完全富具後漢書劉盆子傳諸卿獨完全以付朕公孫述傳家族完全論衡身完全者謂之潔曲折

史記魏其武安侯列傳吾益知吳壁中曲折近便

後漢書寇恂傳應接近便北史赫連子悅傳自是人屬近便行路稱之

鄭重

雙聲字

漢書王莽傳非皇天所以鄭重降符命之意師古

曰鄭重猶言頻頻也

王伯厚云鄭重出王莽傳

三國志高堂隆

傳殷勤鄭重

殷勤

疊韻字

曲禮下鄭注皆民臣殷勤之言

常生按史記司馬相如傳通殷勤又

報任少卿書接殷勤之餘權

分付

雙聲字

漢書游俠傳分付諸客

王伯厚云分付出漢原涉傳

補貼

白樂天詩追歡逐樂少閒時補貼平生得事遲

整頓

漢書蒯通傳整頓其士卒後漢書劉寵傳整頓酒

掃仇覽傳廬落整頓

常生案史記張耳陳餘傳宜整頓其士卒

齊整

與整齊同

三國志鄭渾傳入魏郡界村落齊整如一裴潛傳

歎其軍陳齊整注南覽其訓馬爲整齊而斂諾

鮮明

詩旂旐央央傳云央央鮮明也漢書王吉傳皆好車馬衣服其自奉養極爲鮮明辛慶忌傳惟好與馬號爲鮮明

新鮮雙聲字

文子上仁篇處濁辱而不敢新鮮也王伯厚云新鮮出太元常

生案揚雄太元新鮮自求光于已也

斟酌雙聲字

國語而後王斟酌焉注斟酌也荀子明王必謹養

其和節其流開其源而時斟酌焉淮南繆稱訓猶中衢而致辱過者斟酌多少不同本經訓包裹風



俗斟酌萬殊史記樂書斟酌飽滿後漢書章帝紀  
贊斟酌律禮鄭興傳自杜林桓譚衛宏之屬莫不  
斟酌焉注謂取其意精也張純傳猶周公斟酌文武之道  
李固傳斗斟酌元氣仲長統傳非能斟酌賢愚之  
分後漢書馬武傳每勞饗諸將武輒起斟酌于前  
謂酌酒也

調度雙聲字

漢書佞幸傳問以喪事調度王莽傳具禮儀調度  
周禮注均猶調度也釋文度待洛反或如字後漢書魯恭傳大司農調  
度不足度亦音大各反今人皆讀如字

料理雙聲字

世說汝若爲選官當好料理此人又有故舊人投之都不料理晉書王徽之傳卿在府日久比當相料理南齊書蕭景光傳六親多未得料理可隨宜溫卹其久留勞動者應料理隨宜啟聞乞恩劉祥傳與亡弟母楊別居不相料理公羊疏料理舊經不待天命

勾當

舊唐書食貨志檢責海內鹽鐵之課比令使人勾當以金部郎中杜佑權勾當江淮水陸運使

鑑案北史

傳序事無大小士彥一委仲舉推尋勾當又唐書第五琦傳拜監察御史勾當江淮租庸

商量

疊韻字

荀子儒效篇謫德而定次量能而授官

注謫與魏商同

書釋老志郭內準此商量隋書房陵王勇傳如我

商量北史甄琛傳都不復斟酌與奪商量是非

王伯

厚云商量出易商兌注商量裁制之謂鑑案曲禮彙魚曰商祭注商猶量也

比方

荀子辟稱比方則欲其自竝乎湯武又比方之疑似而通漢書楚元王傳比方邱隴後漢書梁統傳宜比方今事驗之往古

算計

後漢書崔駰傳算計見效

崔寔政論之文

三國志臧洪傳

必欲算計長短

公共

史記張釋之傳法者天子所與天下公共者也釋名江其也小水流入其中所公共也

對換

魏志毋邱儉傳乃令誕儉對換

支持

疊韻字

淮南本經訓標秣構櫨以相支持劉向戰國策序

猶以義相支持抱朴子內篇將御小藥以自支持  
耳柏梁詩柱枅榑欂相支持

### 布施

國語布施優裕莊子外物篇生不布施荀子布施  
天下而不病貧韓非子顯學篇微斂於富人以布  
施於貧家淮南道應訓不義得之又不能布施患  
必至矣原道訓布施稟受而不益貧主術訓爲惠  
者尚布施也齊俗訓爲義者布施而德大文訓太  
陰治夏則欲布施宣明王相厚云布施出周語常  
生案文子自然篇爲惠者  
市施也論衡定賢篇使穀食如水  
火雖貪饕之人越境而布施矣

收拾

後漢書光武紀家羸弱不能收拾者徐防傳收拾

缺遺盧植傳宜勅收拾以安遊魂

王伯厚云收拾出光武紀

零碎

舊唐書懿宗紀據戶部牒稱州府除陌錢有折色

零碎

常生案舊唐書會昌二年二月中書奏准元和七年敕河東等道州縣官合戶部加給課

料錢歲六萬二千五百貫吏部出得平留官數百員時以為當自後戶部支給零碎不得

包括

此同位之雙聲如頤沛賄貝反側重疊真的若足

賈誼過秦論包舉宇宙囊括四海之意蔡邕釋誨

包括無外綜析無形木華海賦包乾之奧括坤之

區

翻

雙聲卽反  
或之異文

陸機君子行休咎相乘躡翻覆若波瀾王維詩人

情翻覆似波瀾

妥帖

雙聲  
字

陸機文賦或妥帖而易施

奔波

雙聲  
字

仲長子昌言救患赴急跋涉奔波抱朴子外篇奔

波亡走

疊

疊韻  
字

宋書五行志符堅中童謠曰阿堅連牽三十年

重疊

後漢書皇后紀富貴之家祿位重疊北史李元操傳所以與帝室姻媾重疊李彪傳可謂重明疊聖元首康哉楊素傳宴賜重疊赫連子悅傳去郡遙遠山嶺重疊

交互

後漢書左雄傳選代交互

唯獨

史記外戚世家高祖後宮唯獨踈遠無寵者得無



弟漢書青霍去病傳雖獨任安不有去

非造

杜子美詩乾愁要排遣

因循

體韻字

文子虛無因循常後而不先譬若積薪燎後者處  
上淮南主術訓因循而任下責成而不勞又云虛  
無因循常後而不先也

脩行

淮南主術訓脩行者競於往論衡高宗之脩行何  
益於除禍常生案淮南詮言訓君子修行而後善  
無名布施而使仁無章又漢書諸林傳

也通經術固當修行先王之道此儒者之所當修  
行也若世俗佛家之說則白居易長齋詩所謂  
春多放逸五月  
暫修行是也

丁寧  
疊韻字

詩采薇箋重言采薇者丁寧行期也  
王伯厚云丁寧出詩不薇

箋陳壽表文彩不豔而過於丁寧周至晉陽秋手

書郡國丁寧款密  
三國志劉瓛傳注鑑字漢書谷永傳日食地震以丁寧陛下又

後漢書郎顗傳丁寧再三

揀擇

三國志袁紹傳注引魏書博愛容眾無所揀擇

矜持

晉書王羲之傳王氏諸少並佳然聞信至咸自矜持

責成

淮南主術訓責成而不勞

希冀

三國志張紘傳下無希冀之望李密陳情表豈敢盤桓有所希冀

空閑

三國志孫登傳又擇空閑之地

落度

疊韻字

三國志楊儀語費禕曰往者丞相亡沒之際吾若  
舉軍以就魏氏處世寧當落度如此耶宋書五行  
志元超兄弟大落度上桑打樵爲苟作

尋常

雙聲字

春秋傳爭尋常以盡其民注八尺曰尋倍尋曰常  
言爭尺丈之地韓子布帛尋常庸人不釋司馬貞  
曰尋常以言其少也

平常

論衡正說篇平常之事有怪異之說後漢書王渙  
傳平常持米到洛爲卒司所鈔

此平常猶云常時也晉書羊

祐傳平常之日猶懷去就

常生案光武帝紀飲食言語如平常

含糊

雙聲字

傳唐書陸贄傳朝廷每爲含糊未嘗窮究曲直蘇子瞻詩抑爲阮嗣宗臧否兩含糊

苟簡

雙聲字

莊子天運篇古之至人假道於仁託宿于義以遊逍遙之虛食於苟簡之田立于不貸之圃逍遙無爲也苟簡易養也

竭蹶

荀子儒效篇遠者竭蹶而趨之注竭蹶顛倒也議

兵篇遠者竭蹶而趨之注竭蹶顛仆猶言匍匐也

打疊

亦雙聲北人讀疊如跌

能改齋漫錄打撲字趙參政槩聞見錄云須當打撲先往排辦東坡與潘彥明書云雪堂如要假息且與打撲相伴皆使撲字今俗只使疊字何耶

攬掇

元時諺云與人不足攬掇人起屋與人無義攬掇

人置玩器

見至正直記

凹凸

此二字見葛洪字苑

字苑今不傳唐元應一切經音義曾引之常生案神異記

大荒石湖千  
里無凹凸

帶累

薛能贈歌妓詩朝天御史非韓壽莫竊香來帶累

人

常生案姚合詩轉  
覺才華帶累人

惜懂

疊均

程瑀詩不比妙高窮老圃堆厖惜懂百無能

鬆快

范成大詩馬蹄鬆快帽檐斜

杜絕

後漢書桓帝紀杜絕邪僞請託之原南史陸倕傳

杜絕往來庚華傳杜絕請託

禁忌

漢書藝文志牽于禁忌後漢書郎顗傳不曉禁忌  
李雲傳雖不識禁忌楊終傳多觸禁忌王景傳冢  
宅禁忌堪輿日相之屬蔡邕傳禁忌轉密任禁忌  
之書

忌諱

周禮小史若有事則詔王之忌諱注先王死日爲  
忌名爲諱老子天下多忌諱而民彌貧漢書馮唐  
傳鄙人不知忌諱東方朔傳愚不知忌諱後漢書



劉陶傳州郡忌諱不欲聞之

避忌

周禮誦訓掌道方慝以詔避忌後漢書馬武傳言其短長無所避忌

皁白

俗語分清皁白皁白猶言黑白也

詩桑柔箋非不能分別皁白先賢行狀弟子人何太無皁白耶抱朴子內篇皁白分於粉墨晉書天文志此復是天公憤憤無皁白之徵也北史臨淮王彧傳中山皁白太多舊唐書裴寂傳皁白須分

上角

雙聲字

禮記儒行毀方而瓦合注云已之大圭角下與衆  
人小合也郭象莊子注不小立圭角

雲泥

後漢書吳蒼遺矯慎書雖乘雲行泥棲宿不同每  
有西風何嘗不歎

模樣

杜荀鶴詩子細尋思底模樣

式樣

廣韻樣作樣云式樣也隋書律歷志詔付大匠依  
樣制管食貨志乃爲輸籍定樣請編下諸州每年

正月五日縣令巡人各隨近便立黨三黨共爲一

團依樣定戶上下

依樣字於見於此

京師及諸州縣肆之

上皆令立榜置樣爲准不山樣者不入於市

榜樣

見於此

北史藝術傳凡有所爲何物先令直表

黃表黃表

也立樣當時工人莫有所損益蘇瓊傳蠶月頭上

綿絹度樣於部內其兵賦次第並立明式字文愷

傳博考羣藉爲明堂圖樣奏之舊唐書食貨志又

令懸樣於市令百姓依樣用錢

薄相

東坡泛穎詩此豈水薄相與我相娛嬉

埋沒雙聲字

南史郭祖深傳訥直守信坐見埋沒

擺布雙聲字

朱子語錄擺布得來直恁細密

擺弄

韓退之鎮州初歸詩別來楊柳街頭樹擺弄春風  
只欲飛

打扮

黃公紹競渡權歌朝了霍山朝岳帝十分打扮是  
杭州

頂戴雙聲字

王洽然與高昌字書君之此恩頂上相戴顏魯公與郭壁書射恨不頂而戴之

安排

莊子大宗師安排而去化

王伯厚云安排出莊子

籠統疊韻字

三國志鍾會傳注孫盛云王弼以附會之辨而欲籠統元旨

疊舉

白樂天詩妍媸優劣寧相遠大都只在人擡舉

常生

又案元稹詩大  
郎只在人擡舉

留難

鹽鐵論吏恣留難與之為市

罷休

史記孫子吳起列傳將軍罷休就舍

王伯厚云罷休出史記孫

武傳

希罕

雙聲字

爾雅釋詁希罕也何晏論語集解罕者希也毛氏

詩傳罕希也

喫虧

雙聲字

陸務觀詩分得鑑湖纔一曲喫虧堪笑賀知章杜  
牧之詩却笑喫虛隋煬帝破家亡國爲何人喫虛  
二字難解王鳳咎云卽喫虧之意

調戲

爾雅諱浪笑敖戲諱也注謂調戲也馮衍與婦弟  
任武達書房中調戲布散海外

的真

三國志崔林傳恐所遭或非真的真的猶今之人  
言的真也

端的

雙聲字

宋讀曲歌闕面行負情詐我言端的

真正

雙聲字

後漢書許劭傳外幕聲名內非真正抱朴子謂真正爲妖詭以神仙爲誕妄北史崔浩傳妄語者多真正者少

擻搔

上盧盍切下私金切壘韻字

廣韻擻搔破壞也又和雜也

皸皸

上盧盍切下都橋切壘韻字

廣韻皸皸皮瘦寬兒今吳人以塵垢不淨爲皸皸

邈過

上遽盍切下吐盍切壘韻字



廣韻邈邈不謹事

𠵹𠵹

上吐益切下私益切疊韻字

廣韻𠵹𠵹不謹兒今吳人以不謹為沒𠵹𠵹博雅

𠵹𠵹惡也

類篇引

黥黥

上力該切下丁來切疊韻字

玉篇黥黥大黑也今人以為不曉事之稱

乖角

雙聲字

七修類稿乖角不曉事意故韓詩曰親朋頓乖角

是也今人反以為聰意錯也

常生案通雅引宋子京謂俗以不循理曰

乖角

骨錄

劉恂嶺表錄異自瓊至報溪澗澗中有石鱗次水流其間或相去二三尺近似天設可躡之而過或有乘牛過者皆促斂四蹄跳躍而過或失則隨流而下見者皆以爲笑彼人諺曰跳石牛骨碌好笑好笑

陸續

陸韻字

子微之連昌宮詞逡巡大遍涼州微色色艷茲轟錄續錄續卽陸續也王介甫詩送車陸續隨子返文獻通考天寶而後宋中興以前皆合陸續銓次

又云天寶以後則竟不復陸續

𨾏𨾏

上古咸切  
下古拜切

說文𨾏𨾏不正也

𨾏𨾏

上來可切  
下丁可切

廣韻𨾏𨾏𨾏𨾏垂貌

𨾏𨾏

上丁兼切  
下丁括切

廣韻𨾏𨾏知輕重也

常生案莊子捶鉤者注玷捶  
鉤之輕重玷音點捶音朵卽

此二字

𨾏𨾏

通典凡斷刑名須得指實𨾏𨾏作狀斟酌結刑司

刑此中過爲非理又云當時按狀朦朧奏狀方便  
劔反普茂略按言朦朧者月不明也今從作不分曉

之意

懊憊

下都到切

集韻懊憊悔也

胠肱

音孤都

廣韻胠肱大腹類篇胠肱大腹兒一云椎之大者

故俗謂杖頭大爲胠肱

當是骨朶二字之聲誤

今北方人謂

花朶未開者曰胠肱

鑑案一云以下見宋景文筆記

匡當

疊韻字

說文櫛匡當也宋時人亦稱腔當朱文公語類爲  
學須先立得箇大腔當了却旋去裏面修治壁落  
教綿密

恆言錄卷二